



擇乳母法 凡擇乳母須精神爽慧性情和悅肌肉充肥無諸疾病知寒溫之宜能調節乳食始汁濃白則可以飼兒不得與餘母大段酸鹹飲食仍忌饑寒暑來使餓兒於如此則必成餘癆或驚風瀉痢

之疾(良方)○如陰陽交接之際切不可餓兒餘此正謂之交餘必生癖(良方)○餘母不可頻飲酒
恐兒作痰嗽驚熱昏眩之疾(良方)○乳母宜謹節飲食飲食下咽乳汁便通情慾動中乳脈便應病
氣到乳汁必凝滯兒得此乳疾病立至不吐則瀉不瀉則熱或為口糜或為驚搐或為夜啼或為腹痛
病之初來其尿必甚少便須詢問隨證調治毋安于安可消患於未形也(東垣)○夫飲食之擇猶是
小可乳母稟受之厚薄情性之緩急骨相之堅
脆德行之善惡兒能速肖尤為關係(東垣)

小兒乳哺法

人生十六歲以前血氣俱盛如日方升如月方圓惟陰長不足腸胃尚脆而窄養之道不可不
謹(東垣)○凡初乳先須臾去宿乳後與之○母欲寐即奪其乳恐睡困不知飽足也○兒啼

未定乳母勿遽以乳飲之恐停滯胸膈而成嘔吐也○乳後不與食哺後不與乳乳食相併則難以
化結於腹中作痛大抵成癖成積成疳皆自此始(得效)○小兒血氣俱盛食物易消故食無時然腸
胃尚脆而窄一切發熱難化之物皆宜禁絕只與乾柿熟菜白粥非惟無病可以養
德此外生栗味鹹乾柿性涼可為養陰之助然栗大補柿大瀉亦宜少與(東垣)

小兒保護法

凡嬰兒肌膚未實若厚衣過暖則傷皮膚損血脈發瘡瘍汗出腠理不閉風邪易入若天氣和
暖抱之使見風日則氣血堅剛可耐風寒不致疾病令人懷抱小兒不著地氣致令筋骨緩弱
疾病易生非愛護之道(得效)○夜間不得令兒枕臂須作一二豆袋令兒枕兼左右附之可近乳母
之側蓋覆衣衾須露兒頭面若一向仰臥恐成驚疾須時時回動之(良方)○天寒時兒用父母常著
舊衣作衣服不可用新綿絹只用舊者若太溫暖則筋骨軟弱易致疾病(良方)○宜用七八十歲老
人舊襯舊襖改作小兒衣衾真氣相滋令兒有壽富貴之家切不宜新製絨綾羅之類與小兒穿不
惟生病抑且折福(回春)○初生三五月宜纏縛令卧勿
豎頭抱出六個月方可與稀粥亦不可與乳同吃(入門)

養子十法

一要背煖○二要肚煖○三要足煖○四要頭涼○五要心胸涼○六要勿見怪物
○七脾胃常要溫○八啼未定勿便飲乳○九勿服輕粉朱砂○十少洗浴(入門)

調護歌

養子須調護看承莫縱弛○乳多終損胃食壅則傷脾○被
厚非為益衣單正所宜○無風頻見寒暑順天時(入門)

變蒸候

小兒變蒸俗謂之牙生骨長比如蠶之有眠龍之蛻骨虎之轉爪皆同此類變生而長也(醫林)○
小兒變蒸是胎毒散也(丹心)○變蒸者陰陽水火蒸於血氣而使形體成就就是五臟之變氣而七
情之所由生也蓋兒生之日至三十二日一變每變蒸畢即覺性情有異於前向者長生藏府意智故
也何謂三十二日長骨脈添精神人有三百六十五骨以象天數以應期歲以分十二經絡故初生至
三十二日一變生腎六十四日二變一蒸生膀胱九十六日三變生心一百二十八日四變二蒸生小
腸一百六十日五變生肝一百九十二日六變三蒸生胆二百二十四日七變生肺二百五十六日八
變四蒸生大腸二百八十八日九變生脾三百二十日十變五蒸生胃其手厥陰心包手少陽三焦無
形故不變而不蒸夫十變五蒸乃天地之數以生成之然後始生萬能言知喜怒哀故始全也大倉公云

氣入四肢長辟是於十變是矣（錢乙）○變蒸既畢兒乃成人也變者變生五臟也蒸者蒸養六腑也又云變者上氣蒸者體熱每經一變一蒸輕則發熱微汗其狀似驚重則壯熱脈亂而數或吐或汗或煩啼器渴輕者五日解重者七八日解其候與傷寒相似但變蒸則耳冷尻冷上唇中心發白泡狀如魚目珠者是也治法和平之劑微表之宜用惺惺散（方見下）執實則微利之宜用紫霜丸（方見下）或不治亦自愈切不可妄投藥餌及針灸（錢乙）

小兒繼病魘病

身體痿痺名爲魘病（魘音忌小兒鬼病也）用伏翼燒灰細研以粥飲調下五分日四五次灸令香熱
 嗜哺兒亦效伏翼即蝙蝠也（聖惠）○婦人先有小兒未能行而母更有娠使兒飲此乳則作鬼病令

此病魁亦小兒也其證微微下利寒熱往來毛髮鬢鬢不悅者是也宜服龍胆湯（三因）

龍膽湯

相兒命長短法

生叫聲連延相屬者壽○聲絕而復揚急者不壽○啼聲散啼聲深汗不流頭四破小便凝如脂膏常搖手足頭毛不周匝者並不成人○臍中無血者好○臍小者偏身軟弱如無骨者汗血者多厄並不壽○鮮白長大卻縫通達黑者並壽○目視不正數動者大非佳兆○早坐早行早語早齒皆惡性非佳人○髮稀小者性強不聽人○額上有旋毛妨父母或早貴○初生枕骨不成能言而死○尻骨不成能踞而死○掌骨不成能匍匐而死○踵骨不成能行而死○臛骨不成能立而死○身不收者死○股間無生肉者死○人中深長者壽○陰不起者死○陰囊下白者死赤者亦死○身不收

虎口三關脈法

風關無脈則無病有脈則病輕○第二節名曰氣關脈是則病重尚可治○第三節名曰命關脈見則病極乃九死一生若直射三關青黑紋者死(入門)○第一節赤紋乃飛禽內外人驚赤紋微乃火驚黑紋水驚青紋乃天雷四足驚內隱青紋微屈則是急風候○第二節紫色紋乃驚斑青色紋乃疳傳肝白色紋乃疳傳肺黃色紋乃疳傳脾黑色紋難安○第三節青黑紋三關通度斜歸指甲則不治(得效)○五色之中紅黃易安紅盛作紫紫盛作青青盛作黑青黑之色至純黑則不可治(入門)○歌曰紫風紅傷寒青驚白色疳黑時因中惡黃則困脾端(本事)

至山根紅者心小腸熱山根至鼻柱紅者心胃熱鼻居面中為脾紅黃色者無病○脾應唇紅主渴
吐利○左太陽青色驚輕紅色傷寒黑青色乳積○右太陽青色驚重紅色風搐眼目黑者死○地閣
為腎色青食時驚或煩躁夜啼黃多吐逆紅者腎中氣病兩頤赤者肺熱○山根青黑頻見災厄必死
黑色痢疾赤黑色吐瀉黃色霍亂紅色夜啼紫色傷飲食○中庭天庭
司空印堂額角方廣皆命門部位青黑為驚風惡候亦忌損陷(入門)

面上形證歌

赤黑困疲時吐瀉色紅啼夜不曾停○青脉生於左太陽須驚一度見推詳亦是傷寒微燥

熱黑青知是乳多傷○右邊青脉不須多有則頻驚
怎奈何紅赤為風抽眼目黑青三日見闔羅(正傳)

五體以頭為尊一面惟神可恃

小兒諸病但見兩眼無精光黑睛無運轉目眈無鋒芒如魚描眼狀或
兩眼閉而黑睛朦朧者死或外若昏困而神藏於內不脫者生黑珠滿

輪睛明者少病眼白多睛珠或黃或赤者稟弱多病目證內赤者心熱淡紅者心
虛熱青者肝熱淺淡者肝虛黃者脾熱無睛光者腎虛白而混者肺熱也(入門)

聲有輕重啼有乾溼

聲輕者氣也弱也重濁者痛也風也高喊者熱欲狂也聲急者神驚也聲塞者痰也
聲戰者寒也聲啞者氣不順也喘者氣促也噴嚏者傷風也驚哭聲沉不響者重也

聲濁沈靜者疳積也如生來不大啼哭聲啞者天○火之大發忽然驚叫乃火動氣虛必死夜半發
者多有口瘡宜看之(入門)○睡中驚啼聲浮者易治聲沈不響者難痊或聲如鴉中彈者不治(得

效)○直聲往來而無淚者是痛也連聲不絕而多淚者
是驚也慈煎聲煩躁者難愈躁促聲音者感寒(入門)

小兒初生救急

有治法十八條
詳見婦人門

噤口撮口臍風證

噤口風者眼閉啼聲漸少舌上聚肉如粟米狀吮乳不得口吐白沫二便不通此胎中熱
毒流於心脾一名鴉口瘡○鴉口瘡小兒初生有白屑滿口如鴉之口鼻外亦有不能吮

乳由心脾熱也以亂髮纏指頭蘊薄荷汁拭淨如不脫用保命散朱簪散(入門)○又法用一捻金散
又亂髮纏指頭蘊并花水搽拭之又蘊栗栳煮汁(栗皮也)拭之(湯氏)○辰砂膏最妙(方見下)○

又地雞搗水塗之妙(即鼠婦蟲也)
又白楊樹枝燒取瀝付之神效(正傳)

撮口

凡面目黃赤氣喘啼聲不出乃胎熱流毒心脾則舌強唇青撮口聚面飲乳有妨用白殭蠶二枚略
炒為末蜜調付唇口即差或用竭梢散(入門)○撮口者初生一臘內之篤疾(一臘三七日也)令

兒氣促口撮如囊而不乳也(直指小兒)○治法牛黃一錢竹瀝一合調和時抹口中即差宣風散亦可用(丹心)○撮口證若口出白沫四肢冰冷最為惡候一臘見之尤急(得效)○初生七日內患撮口○膈風不得飲乳急看兒齒齦上有小泡子如粟米狀急以手指蘸溫水輕輕擦破即開口便安不用服藥(入門)○小兒口撮不開南星末一錢腦子少許研勻調薑汁以指蘸擦兒牙齦上口立開(綱目)

膈風 凡小兒斷膈後為風溼所乘或尿溼綳結遂成膈風面赤喘急啼聲不出其證膈腫突腹脹滿日夜多啼不能飲乳甚則發搐撮口撮口宜用調氣益黃散甚者用金烏散或宣風散(入門)○亦有熱在胸堂伸引努氣亦令膈腫發風宜千金龍膽湯(入門)○膈風撮口不得飲乳宜蠟梢餅宣風散(入門)○凡膈邊青黑永甲黑者死(得效)○初生七日內見撮口膈風三證者危百日內見此證手足踈者亦不治(入門)

膈腫膈瘡治法 膈腫以荊芥煎湯洗淨後取葱葉火上炙過候冷指甲刮薄貼腫處次日便消方服通心散(入門)○膈瘡後為水溼所傷或入風冷致令四肢不和膈腫多啼不能乳哺宜用柏墨散五通膏香環膏(錢乙)○膈中血水汁出或赤腫痛當歸白石脂末乾蝦蟆燒灰油髮灰皆可付之(入門)○膈瘡作瘡白瘰枯龍骨蝦蟆當歸末皆可糝上或油調付之妙(綱目)

保命散 治鵝口瘡不能吮乳枯白瘰朱砂各一錢馬牙硝五錢右為末每取一字用白鵝糞搗水調塗舌上及口內日三次即效(入門)

朱櫻散 治同上朱砂白瘰枯右等分為細末付口舌上日三(局方)

一捻金散 治同上雄黃三錢鵝砂一錢甘草半錢龍腦少許右為末乾糝或蜜調塗之(丹心)

蠟梢散 治撮口風及一切胎風膈風蠟梢四十九枚每個用生薄荷葉卷定以線扣之砂鍋內滾炒以薄荷乾酥為度再入白蠟蠶四十九個薑汁炒乾入腦麝各少許右為細末調勻以紫雄雞肝二片煎湯調下一

字(入門)

宣風散 治膈風撮口多啼不乳口出白沫全蝎二十一箇全者酒炙為末入麝香末一字和勻每取半字以金銀器煎湯調下(丹心)

調氣益黃散 治撮口撮口膈風三證金頭赤足蜈蚣一條酒浸炙蜈蚣四箇白蠟蠶七箇炒瞿麥五分右為末每一字以鵝翎管吹入鼻中噴嚏啼哭則可治仍用薄荷煎湯調一字服之(錢乙)

金烏散 治膈風金頭赤足蜈蚣半條酒浸炙蜈蚣三箇生麝香少許右為末每取半

通心散 治胸膈腫多喘不能乳哺黃柏末釜下墨亂
右對作一服入燈心麥門冬同煎服(得效)○膈中腫突出似旋螺故名之(得效)

栢墨散 治胸膈腫多喘不能乳哺黃柏末釜下墨亂
髮灰各等分為末乾糝之或油調付之(錢乙)

五通膏 治胸膈腫上四圍一指厚抱位下尻泄而愈(醫鑒)
搗爛搭臍上

香螺膏 治胸膈腫上須臾再易腫痛立消(醫鑒)
搗爛搭臍上

客忤中惡 客忤者小兒神氣軟弱忽有非常之物或未識見之人觸之或經神廟佛寺與鬼神氣相忤也故
謂之客忤其狀口吐青黃白沫或下水穀鮮雜面變五色腹痛反側惡痰狀似驚癇但眼不上竅

耳其口中懸雍左右若有小小種核即以竹針刺潰之或以指爪摘破急作醋炭皂角燒烟薰之却服
蘇合香丸(方見氣門)薑湯調化頻與服之次服雄麝散兼用黃土散(得效)○中惡者其狀卒然心

腹刺痛悶亂欲死人中青黑即服蘇合香丸未醒以皂角末吹鼻兼用辟邪膏又以唾和麝香一錢重
研和醋一合服之即差(錢乙)○客忤取致三合水淫搗為丸雞子大摩兒顙上及足心各五六遍次

摩臍心及上下良久中自有毛於路上即擲之(得效)○中
馬汗氣或馬鳴驚忤取馬尾燒烟熏兒面以差為度(入門)

雄麝散 治客忤雄黃一錢乳香五分麝香一字右為末每一字
刺雄雞冠血調灌之仍以母衣覆兒身即愈(入門)

黃土散 治小兒卒客忤竈心黃土蚯蚓糞各等分
右研細水調塗兒頭上及五心良(得效)

辟邪膏 治小兒中惡降真香白膠香沈香虎頭骨人參鬼箭羽草龍胆各五錢右為末入雄黃五錢
麝香一錢煉蜜和勻作膏取少許以乳香湯化下兒口中又令兒啼及燒臥內尤妙(錢氏)

夜啼 小兒夜啼有四證一曰寒二曰熱三曰口瘡重舌四曰客忤○寒則腹痛而啼面青白口有冷氣手足
冷腹亦冷曲腰而啼又曰下半夜啼者蓋夜則陰盛寒則作痛所以夜半後啼也宜用六神散益黃散

(方見下)○熱則心躁而啼面赤小便赤口中熱腹脹或有汗仰身而啼又曰上半夜啼身有汗而啼
面赤身熱者必痰熱也到曉方息導赤散(方見五藏)加黃芩煎服通心飲(方見上)亦可○口瘡重

舌則吮乳不得口到乳上即啼身頸皆微熱急取燈照口若無瘡則舌必重也照口瘡重舌類治之其
啼自止○客忤者犯客忤夜啼或觸生人氣忤犯而啼有日啼驚夜必黃昏前後尤甚者乃客忤中惡

也錢氏安神丸主之(方見下)○依客忤法治之○月內夜啼驚搖者乃胎中受驚所致宜用猪乳膏
鎮驚散有痰者抱龍丸(方見下)○小兒夜啼作心經有熱有虛治之宜用燈心散黃連飲蟬花散(

綱目)○夜啼不止蟬蛻二七枚去足為末入朱砂末一字蜜調送下(綱目)○又法潛取雞窠草一
握置小兒臥席下即止(丹心)○初生月內多啼者吉胎熱胎毒胎驚皆從此散且無奇疾(入門)

六神散 治腹冷痛夜啼白茯苓白扁豆炒各二錢人參白朮山藥炒各一錢甘草炙七分右為粗末每取一錢入薑三棗二水煎服(得效)

猪乳膏 治胎驚夜啼琥珀防風各一錢朱砂五分為末猪乳汁調一字林兒口中(入門)

鎮驚散 治同上朱砂牛黃麝香各少許右合細研猪乳汁調稀抹入口令嚥下(回春)

燈心散 治小兒心躁夜啼燈花三四顆研細以燈心煎湯調塗口中以乳汁送下日三〇一方燈花大枚鵬砂一字朱砂少許研細蜜調抹唇上立止(三因)〇一名花火膏(正傳)

黃連飲 治心經有熱夜啼人參二錢黃連一錢半甘草炙五分青竹葉十片生薑一片右對水煎取汁灌口中(丹心)

蟬花散 治小兒夜啼狀若鬼祟蟬殼下半截為末初生兒抄一字薄荷湯入酒少許調下即止或以上半截為末依湯調用帛復如初古人格物之妙如此(永類)

五藏所主虛實證 虛則補其母實則瀉其子必先實母後瀉子也〇凡五藏各至本位即氣盛不虛則補到所尅位不可更瀉如肝病到春不可補到秋不可瀉餘倣此(錢乙)

心主驚 實則叫哭發熱飲水而搖〇心氣熱則合面臥實則仰臥也蓋實則氣上下遊若合面而臥則氣不得通故喜仰臥使氣得上下通也〇心病多叫哭驚悸手足動搖發熱飲水〇心主熱實則煩

熱(錢乙)〇心實發熱難言合面而臥煩熱故上竅舌強故欲言不能而叫哭胸熱故欲合面而臥就涼宜瀉心湯導赤散(二方並見五臟)〇虛則困臥悸動不安生犀散(方見下)主之(錢乙)

肝主風 實則目直視大叫呵欠項急煩悶〇實則兩臂俱緊不轉直視凡目青必發驚咬牙甚者亦發驚手循衣領亂投物甚則身強反張宜瀉青丸(方見五臟)〇虛則咬牙呵欠目連舒不搖宜地黃

丸(方見五臟)〇肝病風搖拘急實則風搖力大瀉青丸主之虛則風搖力小六味地黃丸主之(錢乙)

脾主困 實則困睡身熱飲水〇脾病困睡泄瀉不思飲食〇實則多睡體重昏倦困睡不露睛身熱渴欲飲水泄瀉赤黃色宜瀉黃散(方見五臟)〇虛則吐瀉生風或泄瀉白色睡露睛或有痰宜錢氏

白朮散(方見下)錢乙

肺主喘 實則悶亂喘促有飲水者有不飲水者〇肺主燥自病則喘嗽實則喘而氣盛或渴宜瀉白散(方見五臟)〇虛則哽氣長出氣短〇肺病悶亂哽氣長出氣短虛則唇白色喘而少氣先服益黃散後用阿膠散(二方並見五臟)〇肺藏怯則唇白色當補肺阿膠散主之若悶亂氣急喘促哽氣

者難治肺虛損故也〇脾肺病久則虛而唇白脾者肺之母也母子皆虛不能相營故曰怯此以唇診肺之法也唇白色者

腎主虛。解頤開面色。說白者。皆為難養。雖長不過八人之數。若老已。慾則不及。四旬而亡。或有因補腎六味地黃丸主之。方見五藏。○腎主寒。自病則足脛寒。而逆人之五藏。惟腎無實。但小兒瘡疹變黑。陷則是腎實水尅退心火也。○腎虛者。下竅足熱。下竅者。骨重。惟欲墜下而縮。身也。足熱者。不喜覆衣也。○心氣熱。則上竅宜導。赤散腎氣。虛則下竅宜地黃丸。○入門一。

五臟相乘

凡五藏自病者為正邪。○妻乘夫為微邪。○母乘子為虛邪。○子乘母為實邪。○夫乘妻為賊邪。○所謂乘者。猶乘車之乘。五藏相乘。莫測如肝病。必先治肺。補腎然後審肝。藏虛實而調之餘。藏微此。○入門。○從前來者為實邪。○即子乘母也。○從後來者為虛邪。○即母乘子也。○從所勝者為微邪。○即妻乘夫也。○從所不勝者為賊邪。○即夫乘妻也。○又詳見審病門。○難經。○五

藏傳變。皆痰為患。蓋痰乃風。苗火靜則伏於脾。火動則壅於肺。痰火交作。則為急驚。或成嗽。痺痰火結滯。則為癇。鈞或為咳嗽。痰火來去。則為瀉。青皆由脾溼而成。所以驚風忌純用風藥。當以養血藥為使。古方保元湯加白芍藥。

為慢驚。美劑也。○入門。

驚風證

小兒之病。急慢驚風。與夫痘疹等症。最為酷疾。以其急凶。反掌生死。須臾故也。○正傳。○小兒驚風。三發則為癇。乃惡證也。○入門。○小兒疾之最危者。無越驚風之證。驚有急驚。慢驚。慢脾風三者之

異。○醫鑒。

驚風先見之證

驚者。虛惕怔忡。氣怯神散。痰涎來去。其瀉必青。積漸而生風也。○得效。○驚邪入心。則面紅。臉赤。惕惕夜啼。○驚邪入肝。則面目俱青。眼睛窻視。○驚邪入腎。則面黑。惡叫。嚙餘咬牙。○

驚邪入肺。則面色淡白。喘急氣乏。○驚邪入脾。則面色淡黃。嘔吐不食。○直小。○凡乳兒欲發驚風者。先神志不定。恍惚懼人。筋脈上視。左顧右盼。伸手握拳。悶鬱。氣情態不如尋常。皆驚風先證也。○直

小。○咬牙甚者發驚。○目直視。面色青身反折者。生驚。○呵欠面青者。驚風。○呵欠面黃者。脾虛驚。○目赤兼青者。發驚。○肝藏實熱。手尋衣。領亂。拾物目直視。必發驚。○肝有風目連劄。不搖有熱。則目直視。亦不搖。得心熱則搖。○肝主風。風動而上於頭。目目屬肝。風入於目。上下左右。如風吹不定。兒不任。故目連劄也。若熱入於目。牽其筋脈。兩眦皆緊。不能轉視。故目直視也。若得心熱。則搖其子母俱有

實熱。風火相搏。故也。○錢乙。○王氏曰。水能勝土。熱動心神。而生驚。○錢氏曰。肝風心火二藏交爭。而致搖也。○正傳。

驚有四證八候

四證者。驚風。痰熱也。小兒熱盛。生痰。痰或生驚。驚或發搖。搖或則牙關緊急。而八候生焉。○直小。○其肝主風。其脾生痰。其肺作熱。其心發驚。四證相臨。重者先發。○直小。○八候

者。一搖。二掇。三掣。四顫。五反。六引。七竄。八視也。搖者。兩手伸縮。掇者。十指開合。掣者。勢如相撲。顫者。頭偏不正。反者。身仰。向後引者。臂若開弓。竄者。目直似怒。視者。睛露不活。○直小。○又云。一搖者。臂肘搖。

縮○二撮者十指開合撮之不已即成握拳男子看大拇指其指握在外為順在裏為逆女子反看之○三掣者肩膊搖掣或連身跳起○四顫者或手或脚或頭或身四體顫動○五反者身首反張○六引者以手有如挽弓狀男左手直右手曲為順右直左曲為逆女子反看之○七竅者眼上竅顯高男子上竅為順下竅為逆女子反看之○八視者男子斜目視左為順視右為逆視女子反看之(直小)

驚風大抵熱論虛實證別逆順治有後先

蓋實熱為急驚虛熱為慢驚慢驚本無熱所以熱者虛使然爾急驚屬陽用藥以寒慢驚屬陰用藥以溫甚不可以陰陽無別

故曰熱論虛實者此也○男搖左視左女搖右視右○男眼上竅女眼下竅○男握拇指出外女握拇指出裏○男引手挽左直右曲女引手挽右直左曲凡此皆順反之則逆亦有先搖左而後雙搖者但搖順則無聲搖逆則有聲其指紋形勢彎弓入裏者順出外者逆出入相半者難症故曰證別逆順者此也○熱或生痰痰或生驚驚或生風風或發搐搐治搐先於截風治風先於治驚治驚先於治痰治痰先於解熱其若四證俱有又當兼施並理一或有遺必生他證故曰治有先後者此也(直指)凡搐痰因氣鬱鬱氣順則痰化而搐自止先以蘇合香丸(方見氣門)以薄荷湯入薑汁化下或星香散(方見下門)

驚搐之證有五

驚搐一也而有晨夕之分表裏之異身熱力大者為急驚身冷力小者為慢驚仆地作聲醒時吐沫者為癇頭目仰視者為天吊角弓反張者為症治各不同也○因潮熱發搐在巳午未時者心旺也晨寅卯辰時者肝旺也當補肝治心補肝地黃丸治心導赤散涼驚丸(方見下)○因潮熱發搐在巳午未時者心旺也

當補肝治心補肝地黃丸治心導赤散涼驚丸(方見下)○因潮熱發搐在巳午未時者心旺也

時也是肝旺當補脾益黃散治肝瀉青丸治心導赤散蓋脾病肝強法當補脾恐木賊害故先瀉心肝以剋其強而後補脾○因潮熱發搐在亥子丑時者此腎用事之時也當補脾治心補脾益黃散治心

導赤散涼驚丸(錢乙)

搐搦瘳瘳輕重

百日內發搐真者不過兩三次必死假者頻發不為重真者內生驚癇假者外傷風冷蓋氣血未實不能勝任乃發搐也欲知假者口中氣出熱治之可發散大青膏主之(方見下)○

(錢乙)○其有搐搦反張斜視而牙關不緊口無痰涎者多是外感或內傷夾驚而成謂之假搐非內生驚癇也宜參蘇飲(方見寒門)人參羌活散(方見下)○入門○搐搦者手足牽引一伸一縮即瘳

瘳之甚者也(河間)○問孝忠曰似搐而不甚搐此名瘳瘳○凡搐男左女右為順男左女右為逆難治○急驚初則搐搦俱作久而搐佳只搦有急有緩但只肩動瘳瘳瘳瘳者候之輕也搐則盛也

瘳又重也

(直小)

已目視大呻哭錢氏曰此逆也男為陽左發左視無聲則順右視有聲則逆所以然者左肝木也右肺金也逆則二藏相戰金木相擊而有聲也治宜瀉強補弱假令女發搐目左視是肺來乘肝肝不能任故叫哭也當瀉其肺後治其心續治其肝(錢乙)

驚風發搐不可把捉

小兒急驚方搐時不用驚擾此不足畏慢驚雖靜乃危病也急驚方搐時但扶持之不可擒捉蓋風氣方盛恐流入筋脈或至手足成拘攣也(綱目)○小兒搐搦時切戒把捉手足握持太急必半身不遂也當其搐時置一竹簾鋪之涼地使兒臥其上任其搐搦力行通經絡勢極自止不至傷人(子和)○一小兒病手足搐搦戴人曰心火勝也勿持捉其手足任其搐搦此由乳母保護太過所致乃令淨掃地以水灑之令極溼臥兒于地上良久渾身轉側泥漿皆滿仍以井水洗之即差(子和)

胎驚癇風此乃孕婦嗜慾忿怒驚撲或傷風邪兒初生下即嘔吐搐掣口眼喎斜驚啼聲短腮縮顙開或煩赤或面青噤口咬牙眼合涎潮筋骨拘攣身腰強直臍腹腫起與噤口撮口同證視其眉間氣色紅赤者生青黑者死辰砂膏最妙猪乳膏鎮驚散(三方並見上)太乙散亦佳(入門一)

胎驚癇風

此乃孕婦嗜慾忿怒驚撲或傷風邪兒初生下即嘔吐搐掣口眼喎斜驚啼聲短腮縮顙開或煩赤或面青噤口咬牙眼合涎潮筋骨拘攣身腰強直臍腹腫起與噤口撮口同證視其眉間氣色紅赤者生青黑者死辰砂膏最妙猪乳膏鎮驚散(三方並見上)太乙散亦佳(入門一)

辰砂膏 治胎驚癇風及噤口風辰砂三錢玄明粉二錢鵬砂馬牙硝各一錢半全蝎真珠末各一錢麝香一字右為末油紙封裏自然成膏每取一豆許薄荷湯調下或乳汁調塗乳頭上令兒吮之(入門一)

太乙散

治胎驚天漿子天南星白附子天麻防風白茯苓各二錢全蝎朱砂各一錢麝香一字右為末每取五分乳汁化下(入門一)

急驚風

急驚者因聞大聲或大驚而發搐過則如故此無陰也當下之宜利驚丸○急驚者內有熱即生風或因驚而發涎潮搐搦身熱與口中氣皆熱及其發定或睡起即了了如故用藥利下痰熱心神安寧即愈(錢乙)○急驚乃卒然得之心受驚肝主風致筋脈搐搦肝又主筋宜通心飲(方見上)瀉青丸涼驚丸大青膏(得效)○急驚者因聞不常之聲或遇禽獸之吼以致牙關緊急壯熱涎潮竄視反張搐搦顙動口中熱氣頰赤唇紅大小便黃赤其脈浮數洪緊蓋由內有實熱外挾風邪心家受熱而積驚肝家生風而發搐肝風心火二藏交爭血亂氣併痰涎壅塞所以百脈凝滯關竅不通風氣蕃盛而無所泄故暴烈也(直小)○治法通關截風定搐去痰其熱尚作則當下之一泄已後急須和胃鎮心○截風定搐先與開關散噴驚散次與驅風膏鎮心丸鎮肝丸錢氏安神丸鎮驚丸保幼化風丹靈神膏痰或宜抱龍丸截風丸鎮安心神宜金箔鎮心丸宜心膏○所謂溫驚丸利驚丸涼驚丸者蓋虛則溫之實則利之熱則涼之是謂活法(直小)○驚風形證不明若言陰證則渾身又溫若作陽證則又不大搐乃陰陽不和宜用防風溫胆湯下大驚丸小驚丸(得效)○急驚先當定搐搐由風也風由熱也搐既已作方可下熱退驚熱若不退驚亦不散○急驚截風定搐為要風搐既定次與下熱熱去則無風風散則不搐(直小)

急驚風 急驚者因聞大聲或大驚而發搐過則如故此無陰也當下之宜利驚丸○急驚者內有熱即生風或因驚而發涎潮搐搦身熱與口中氣皆熱及其發定或睡起即了了如故用藥利下痰熱心神安寧即愈(錢乙)○急驚乃卒然得之心受驚肝主風致筋脈搐搦肝又主筋宜通心飲(方見上)瀉青丸涼驚丸大青膏(得效)○急驚者因聞不常之聲或遇禽獸之吼以致牙關緊急壯熱涎潮竄視反張搐搦顙動口中熱氣頰赤唇紅大小便黃赤其脈浮數洪緊蓋由內有實熱外挾風邪心家受熱而積驚肝家生風而發搐肝風心火二藏交爭血亂氣併痰涎壅塞所以百脈凝滯關竅不通風氣蕃盛而無所泄故暴烈也(直小)○治法通關截風定搐去痰其熱尚作則當下之一泄已後急須和胃鎮心○截風定搐先與開關散噴驚散次與驅風膏鎮心丸鎮肝丸錢氏安神丸鎮驚丸保幼化風丹靈神膏痰或宜抱龍丸截風丸鎮安心神宜金箔鎮心丸宜心膏○所謂溫驚丸利驚丸涼驚丸者蓋虛則溫之實則利之熱則涼之是謂活法(直小)○驚風形證不明若言陰證則渾身又溫若作陽證則又不大搐乃陰陽不和宜用防風溫胆湯下大驚丸小驚丸(得效)○急驚先當定搐搐由風也風由熱也搐既已作方可下熱退驚熱若不退驚亦不散○急驚截風定搐為要風搐既定次與下熱熱去則無風風散則不搐(直小)

急驚風 急驚者因聞大聲或大驚而發搐過則如故此無陰也當下之宜利驚丸○急驚者內有熱即生風或因驚而發涎潮搐搦身熱與口中氣皆熱及其發定或睡起即了了如故用藥利下痰熱心神安寧即愈(錢乙)○急驚乃卒然得之心受驚肝主風致筋脈搐搦肝又主筋宜通心飲(方見上)瀉青丸涼驚丸大青膏(得效)○急驚者因聞不常之聲或遇禽獸之吼以致牙關緊急壯熱涎潮竄視反張搐搦顙動口中熱氣頰赤唇紅大小便黃赤其脈浮數洪緊蓋由內有實熱外挾風邪心家受熱而積驚肝家生風而發搐肝風心火二藏交爭血亂氣併痰涎壅塞所以百脈凝滯關竅不通風氣蕃盛而無所泄故暴烈也(直小)○治法通關截風定搐去痰其熱尚作則當下之一泄已後急須和胃鎮心○截風定搐先與開關散噴驚散次與驅風膏鎮心丸鎮肝丸錢氏安神丸鎮驚丸保幼化風丹靈神膏痰或宜抱龍丸截風丸鎮安心神宜金箔鎮心丸宜心膏○所謂溫驚丸利驚丸涼驚丸者蓋虛則溫之實則利之熱則涼之是謂活法(直小)○驚風形證不明若言陰證則渾身又溫若作陽證則又不大搐乃陰陽不和宜用防風溫胆湯下大驚丸小驚丸(得效)○急驚先當定搐搐由風也風由熱也搐既已作方可下熱退驚熱若不退驚亦不散○急驚截風定搐為要風搐既定次與下熱熱去則無風風散則不搐(直小)

利驚丸 治急驚身熱面赤口中氣熱大小便黃赤宜下用此黑丑頭末五錢天竺黃青黛輕粉各一錢右為末蜜丸豌豆大一歲兒用一丸薄荷湯化下(錢乙)

溫驚丸 治急驚虛證牛胆南星四兩天竺黃一兩朱砂一錢半胭脂半錢龍腦五分右末牛胆汁和丸芡實大砂糖水化下(一名粉紅丸)(錢乙)

涼驚丸 治急驚風黃連一兩草龍胆防風青黛各三錢龍腦五分牛黃麝香各一字右為末麪糊和丸粟米大每取一二十九金銀泡湯下(錢乙)

瀉青丸 治肝熱急驚搐搦方見五藏(一名涼肝丸緣肝主風宜先涼肝而風自退不得效)

大青膏 治急驚風宜用此發散白附子一錢半天麻青黛各一錢烏蛇肉蝎梢各半錢朱砂天竺黃麝香各一字右細末生蜜和成膏月內兒粳米大半歲兒半皂子大一歲兒一皂子大以薄荷竹葉煎

湯化下(得效)

開關散 治驚風口禁不開蜈蚣一條炙白僵蠶南星炮各一錢麝香一字猪牙皂角三錢略燒存性右為末以手點薑汁蘸藥少許擦牙或用物引滴入藥三兩點於口中涎出自開(得效)

噎驚散 治急驚慢驚昏迷不省半夏生一錢皂角半錢右為末取豆許吹入鼻中即醒(得效)

驅風膏 治肝風發驚搐及胎風辰砂蝎梢當歸草龍胆川芎梔子大黃羌活防風甘草各一錢右為末入麝香少許砂糖和丸芡實大每一丸薄荷竹葉蜜湯化下(丹心)

鎮心丸 治急驚風安心止驚散邪涼膈山藥白茯苓各一兩寒水石甘草炙各七錢半甜硝白者朱砂各五錢人參一錢半龍腦麝香各五分右為末蜜和每一兩作五十九金箔為衣薄荷湯下丸(錢乙)

鎮肝丸 治急驚風熱天竺黃生乾地黃當歸竹葉草龍胆川芎大黃煨羌活防風各二錢半右為末蜜丸芡實大每一丸砂糖水化下(綱目)

錢氏安神丸 治急驚風及心執驚啼麥門冬馬牙硝白茯苓山藥寒水石甘草各五錢朱砂三錢龍腦二字右為末蜜和兩作三十丸每服一丸砂糖水化下(得效)

鎮驚丸 治急驚風鎮驚寧神退熱化痰牛胆南星五錢朱砂三錢半琥珀天竺黃雄黃各三錢牛黃二錢真珠一錢麝香半錢金箔十片右為末麪糊和丸梧子大金箔為衣薄荷湯下五六丸(正傳)

保幼化風丹 治驚風四證八候去風痰驚熱南星半夏川烏白附子各一兩鬱金五錢右為末裝入臘月黃牛胆內陰乾百日取出研為末每一兩入雄黃朱砂鵬砂焙硝各一錢片腦麝香各少許

共為末蜜丸豌豆大燈心薄

新湯研化下一二丸(醫鑑)赤茯苓神木砂各一兩麥門冬五錢麝香二錢半右為末蜜和作小餅子每一餅臨睡以薄荷湯化

二三貼道去心經邪熱其搖便止次服靈神膏(集驗)

抱龍丸

治驚風潮搐身熱昏睡能下痰熱乃心肺用藥也牛胆製南星一兩無胆星則只取生者剉炒熟用之天竺黃五錢雄黃朱砂各二錢半麝香一錢右為末煮甘草膏和丸如芡子大(一云芡實

大)溫水化下百日內兒一丸作三次服五歲兒一二丸服臘雪水煮甘草和藥尤佳(錢乙)○抱

截風丸

治驚風痰搐天麻白殭蠶南星炮各二錢蜈蚣一條白附子防風朱砂全蝎各一錢麝香一字右為末蜜丸梧子大每一丸薄荷湯化下(入門)

金箔鎮心丸

治驚風鎮心安神全蝎七個以薄荷葉包裹慢火炙乾大麻防風羌活牛黃赤茯苓犀角朱砂麝香甘草各一錢右為末蜜丸如芡子大金箔為衣每取一二丸薄荷湯化下(入門)

寧心膏

治小兒精神不定恍惚不寧恐畏多哭睡中驚覺朱砂二錢人參白朮白茯苓茯神山藥羌活甘草各一錢龍腦麝香各一字右為末蜜丸芡實大以薄荷湯化下一丸(丹心)

防風溫膽湯

治驚風消痰疎風順氣半夏枳殼赤茯苓各五分陳皮防風各二分半人參二分甘草一分半右剉作一貼入生薑一片紫蘇二葉煎水調下大驚丸小驚丸服之(得效)

大驚丸

治驚風安神定驚又治心熱夜啼酸棗仁去皮蚌粉炒甘草炙各五錢人參赤茯苓白朮朱砂麥門冬木香代赭石醋煮各二錢半白殭蠶桔梗尾各一錢二分半全蝎三個金銀箔各三片右為

末蜜丸梧子大金銀箔為衣薄荷湯化下一二丸○一名大安神丸(得效)

小驚丸

治驚風鬱金皂角水浸煮黃連馬牙硝木香藿香草龍胆各二錢半全蝎三個右為末麝香和丸梧子大以雄黃朱砂麝香金銀箔為衣薄荷湯化下一二丸(得效)

急驚風不治證

眼睛翻轉口中出血兩足攣跳肚腹搐動摸體尋衣神昏氣促噴藥不下通關不噤心中熱痛忽大叫者皆不治(醫鑑)

慢驚風

慢驚者得於大病之餘吐瀉之後及過服寒涼藥其證眼慢騰騰或露睛手足瘳瘳面色青白渾身四肢冷點點不聲其脈沈遲用白朮散益黃散加防風冬瓜仁煎服(得效)○慢驚者因吐瀉日久

中氣大虛而得其身冷口鼻中氣寒大小便青白昏睡露睛目上視手足瘳瘳蓋脾虛則生風風盛則筋急宜用黃耆湯溫白丸(正傳)○陰症慢驚自急驚陽症傳來經吐瀉便是慢驚男子以瀉得之

為重女子以吐得之為重○慢驚者眼半開半合似睡不睡十指或開或合似搐不搐口眼手足有時牽掣脈或浮或沈身或涼或熱或吐或瀉或不吐瀉或食乳或不乳名半陰半陽合病宜吐瀉得者宜

加味木附湯醒脾散養乳方虛風痰多宜八仙散○慢驚純陰證宜烏蝎散陽證尚在宜蟬蝎散○方傳慢候而尚有陽證(八候尚在)不必回陽但與截風調胃用蟬蝎散醒脾散若手足冰冷方可回陽

用硫黃附子加腦麝銀粉巴硝輩一切禁藥(入門)○古云病家怕驚不怕瀉醫家怕瀉不怕驚如泄瀉不止且先治瀉若更治風則驚風愈甚(直小)○瀉滑青者宜防慢驚蓋瀉青色者乃夾驚木尅土

凡兒瀉出青色者由脾土受肝木剋勝而見本色由其藏之虛寒黃者益黃散主之○小兒慢驚或吐利不止變成虛風搖擗者非風也胃氣欲絕故也用來復丹方見寒門五粒研碎米飲送下即效得效○慢驚宜用溫驚丸神效散觀音散全蠟觀音散三味天漿子散補脾湯保生丹延生丹參朮半夏湯防風丸銀白散諸方○延威宜奪命散方見下雙金丸南星飲諸方

白朮散 治吐瀉日久不止津液枯竭煩渴引飲欲成慢驚風葛根二錢人參白朮白茯苓木香藿香甘草各一錢右粗末每二錢水煎任意服○泄瀉加山藥白扁豆肉豆蔻已成慢驚加天麻細辛全蠟

白附子 驚風泄瀉煩渴皆津液內耗也不問陰陽多煎滿意取足飲之彌多彌好○一名錢氏白朮散錢乙○一名青寧散得效

益黃散 治慢驚風黃者二錢人參陳皮各一錢白芍藥七分甘草炙甘草各五分白茯苓四分黃連二分右粗末水煎時服○一名黃耆益黃散凡驚兒瀉青色大禁涼驚丸蓋風木旺必剋脾土當

先實其土後瀉其木也當於心經中以甘溫補土之源更於脾土中瀉火以甘寒補金以酸涼使脾土中金旺火衰則風木自虛矣東垣

黃芪湯 治慢驚風大便泄青色黃耆二錢人參一錢甘草炙五分右作一貼水煎服加白芍藥一錢尤妙○此證風木旺必剋脾土宜先實其土後瀉其木是為神治之法○一名保元湯東垣

溫白丸 治慢驚風白殭蠶炒白附子生南星炮各一兩天麻生五錢全蠟一錢右為末麩糊和丸聚豆大生薑米飲下五七丸至二十九錢乙

加味木附湯 治吐瀉後變成慢驚或因藏寒洞泄得者附子炮白朮各一兩肉豆蔻二個木香甘草炙各五錢右粗末每二錢薑三棗二水煎服入門

醒脾散 治脾困昏沈吐瀉不止漸成慢驚人參白朮白茯苓白附子白殭蠶天麻木香甘艸各五分全蠟二分半右粗末每二錢薑二棗一水煎漸漸服不可頓服綱目

釀乳方 治慢驚風人參木香藿香沈香陳皮神麴麥芽各一錢丁香五分右對作一貼入薑五片紫蘇五葉棗三枚同煎乳母食後須去乳汁盡方取服之即仰臥雲時次令兒吮數口不可過飽如嘔定

急宜截風服八仙散兩日後宜醒脾散此良法也如此調理無不愈者湯氏

八仙散 治慢驚虛風天麻白附子白花蛇肉防風南星半夏麴冬瓜仁全蠟各二分半加川烏一分右對作一貼入薑二棗一薄荷二葉同煎服湯氏

烏蝎散 治慢驚純陰吐瀉不止四君子湯方見氣門加川烏全蠟南星各一錢右對入薑三棗二水煎服之入門

蟬蝎散 治慢驚風陽證尚在宜用此藥全蠟七個蟬退二十一個南星一個甘草二分半右粗末每一錢入薑三片棗二枚水煎服入門

申收散 治慢驚風歌曰一粒丁香一個蝎一字辰砂一點血○右三味俱為末

觀音散 治吐瀉後成慢驚風亦治慢脾風即前
分半白朮黃耆木香白扁豆甘草各一分右剉入薑二棗一棗香三葉同煎服(入門)

金竭觀音散 治吐瀉後成慢驚風亦治慢脾風即前
方加羌活防風天麻全蝎也(入門)

三味天漿子散 治慢驚風天漿子白蠟蠶全蝎各三分
右為末每一字薄荷湯調下(直小)

補脾湯 治慢驚風白朮一錢三分白芍藥酒炒一錢白茯苓半夏各七分陳皮黃耆蜜水炒人參當歸
川芎肉豆蔻煨乾葛神麴炒各五分黃連炒甘草炙各三分右剉作一貼水煎稍稍服(醫鑑)

保生丹 治慢驚風朱砂天麻白附子炮白蠟蠶炒全蝎微炒各二錢乾薑
炮牛黃麝香各一錢右末蜜丸麻子大薄荷湯下三丸(直小)

延生丹 治同上南星炮二錢半朱砂牛黃羌活各一錢二分半麝香六分蝎梢七
枚白蠟蠶三枚右為末蜜肉和丸菜豆大薄荷湯化兩丸服之(直小)

參朮半夏湯 治慢驚風子母俱服人參白朮各二錢半夏天麻各七分白茯苓陳皮各五
分細辛薄荷甘草各二分全蝎炒一枚右剉作一貼薑三水煎服(正傳)

防風丸 治慢驚風天麻防風人參各五錢全蝎白蠟蠶甘草各二錢半朱砂雄黃
各一錢七分半右為末蜜丸芡實大人參湯或冬瓜仁湯化下(得效)

銀白散 治慢驚風祛風助胃蓮肉白扁豆白茯苓各二錢白附子炮人參天麻全蝎炒木香藿
香甘草炒各一錢陳米炒三錢右粗末每二錢入薑二片冬瓜仁七粒同煎服(得效)

南星飲 治慢驚風脾困涎盛不思乳食大南星一個炒赤冬瓜仁白扁豆薑
汁炒各三錢右為末每二錢以薑二片防風少許同煎服(得效)

雙金丸 治吐瀉日久脾胃虛損手足厥冷精神昏塞多睡露睛口鼻氣冷欲成慢驚風金液丹(方見寒
門)與青州白丸子方見風門等分同碎生薑米飲調灌之惟多服乃效雖至危者往往死中

得生十救八丸沈存中云金液丹治吐利垂絕服之得活須多
服方驗(綱目)○一云金液丹真小兒吐瀉之妙劑也(入門)

驚風治驗 方見本書其兒即開目而身溫其兒不大小便諸醫以藥利之錢曰不當利小便利之必身
令一二日果身冷錢曰不能食而胃虛若利大小便則脾胃俱虛當身冷而閉目即死今幸胎氣實而

難衰也用益黃散(方見五藏)使君子丸(方見本書)四服後果能飲食後又不語諸醫作失音治之

錢曰此音涼藥利小便致脾胃俱虛今脾已實腎
尚虛用六味地黃丸一月而聲聲如故(錢乙)

慢驚風不治證 慢驚四股厥冷吐瀉咳嗽面黯神慘胃痛鴉聲兩脇動氣口生白瘡髮直搖頭眼睛不轉
涎鳴喘壅頭軟大小便不禁手足一邊牽引者皆不治(醫鑑)○似搐而不甚搐似睡而不

精神慢四肢與口中氣皆冷睡中露睛或胃痛而啼哭如鴉聲此證已危蓋脾胃虛損故也(寶慶金)○
慢驚欲絕之時虛痰上攻咽喉引氣呼吸粗大脈來浮數是謂陰盛強陽錯認以為陽氣已復真與峻
藥下痰痰隨藥下氣隨痰絕人以醫殺咎之此不
識覆燈將絕之候雖不下藥亦無生理矣(直小)

急慢驚風通治

宜備急丸牛黃抱龍丸保命丹至聖保命
丹千金散星香散朱粉散奪命散探生散

備急丸

治急慢驚風五月五日取白頸蚯蚓不拘多少去泥焙乾為末加朱砂等分糊丸菜豆大金箔為
衣每一丸白湯下○一法取蚯蚓以竹刀中斷之看取急跳者治急驚慢跳者治慢驚各另研爛

和朱砂末作丸菜豆大分二器
貯之記而用之神妙(丹心)

牛黃抱龍丸

治急慢驚風痰潮搐能鎮驚安神牛胆南星一兩天竺黃五錢雄黃辰砂各二錢半麝香
真珠琥珀各一錢牛黃五分金箔十片右細末水煎甘草膏和丸艾實大金箔為衣每三歲

兒服一丸五歲二丸十歲服三五丸薄荷湯化下
(醫鑒)○此方與上鎮驚丸同而錢數異(醫鑒)

保命丹

治急慢驚風尚有陽證者常服安神化痰全蝎十四個防風南星蟬退白礬蠶天麻琥珀各二錢
白附子辰砂各一錢麝香五分有熱加牛黃片腦各五分左右為末粳米飯搗丸兔干大金箔為衣

乳汁或薄荷湯化
下一丸(入門)

千金散

治急慢驚風痰喘難至死但灌藥下咽即活黃連天麻朱砂各四分全蝎白礬蠶各三分
牛胆南星甘草各二分牛黃龍腦各六釐右為末每用五七釐薄荷燈心湯調下(回春)

星香散

治急慢驚風搐搦鼠視涎潮南星炮二錢半木香橘紅各一錢全
蝎二個右剉作一貼薑四片水煎頻灌大便去涎即愈(得效)

朱粉散

治急慢驚風○歌曰一粒朱砂一片雪(輕粉也)又個礬蠶三個蠟不問驚風與慢風服時須用
生人血(乳汁也)○右先將蠟蠟微炒燥取出待冷同砂粉研為細末却以母乳汁調抹於兒口

內立效
十三方

奪命散

大能控風痰不問急慢驚風痰塞咽喉其響如潮名曰潮涎百藥不能遇咽命在須臾但用此藥
入喉痰即墜下功有萬全奪天地之造化也青礬石一兩同煅硝一兩入鍋內火煨待硝盡候礬

石如金色取用右細末急驚風身熱用薄荷汁入蜜調微溫服其藥自裏痰墜下從大便出如稠涕膠
粘乃藥之功也次服去風退熱散驚等藥慢驚極危者用此藥以青州白丸子再研為末薑汁調煎如
糊熟蜜調下其涎即墜入腹次服蛇蝎蜈蚣川烏等藥○此藥治急慢驚利痰之聖藥以器或水吐痰